

粵海舊聞錄 (二十四)

祝秀俠

嶺南第一商辦鐵路

台山陳宜禧創辦寧陽鐵路為中外人士所知，堪與寧陽鐵路媲美者尚有梅縣張榕軒、耀軒昆仲創建之潮汕鐵路，時期亦同在光緒末年。雖全程僅四十餘公里，然實開商辦鐵路之先河。

張煌南號榕軒，鴻南號耀軒。梅縣松口人。昆仲少年聰穎。胸懷大志，顧家貧親老，輟學就商。初就松口肆中為店員，不足展懷抱。耀軒居嘗對其兄榕軒慨然曰：大丈夫不能以文學致身通顯，亦當乘長風破萬里浪，立功業於海外，吾兄弟安可鬱鬱久居鄉里為人下，與草木同腐耶。父壯其言，促之赴南洋。時海禁初開，舟車險阻，幾歷艱辛，始抵英屬之檳榔嶼。目覩英人治具畢張，難以表現，乃轉航荷印蘇門答臘之棉蘭埠。棉蘭昔時榛荆未闢，荷人方議開發，昆仲一履其地，見林茂土沃，大有可為。於是闢地廣植甘蔗菸葉，復營植樹膠園，漸且經營各種商業，凡所措辦，均順利蔚盛。其膠園廣袤千餘里，收穫甚豐。多財善舞，歷十餘年，積貲數千萬，儼然一

埠之豪富矣。兩公對文化慈善事業，靡不力為贊助，每年捐出之款為數甚鉅。如獨資創辦棉蘭敦本學校及捐建中華學校校舍，建立棉蘭勿撈海口痲瘋病院，均眾口噴噴稱道。兩公以居關埠首功，又握全埠經濟大權，當地政府為酬其功勛起見，先後疊升為甲必丹及瑪腰顯職。

兩公嘗以祖國實業不振，關係於交通者甚大；乃謀建築鐵路，擇較近鄉梓之潮州至汕頭幹線，興建潮汕鐵路。蓋以潮汕一地為嘉應五屬及汀贛出入總匯之區，商務之繁盛，僅次於廣州。兩公遂與鄉紳等商議進行。議決推舉榕軒為總經理，耀軒為總理，於清光緒二十九年冬呈由督辦鐵路大臣盛宣懷轉奏清廷，奉旨允准興築。其時民智未開，迷信風水人士，每對選墳築路工程諸多阻撓，兩公力排萬難，沉毅以赴。復多方宣傳曉諭，工程卒於光緒卅二年竣工，為嶺南第一商辦鐵路，清廷特授三品京堂。該路自通車以來，業務發展。直至民國二十六年日軍侵華，佔領潮汕，鐵路始被拆毀將鐵軌運去日本，抗戰勝利復員，該路以無力重建成為陳蹟，而緬懷榕軒、耀軒

兩公當年創建之功，殊使人仰念無既。

廣東惠來縣蘇神童

惠來縣有蘇神童祠。神童名福，邑之西頭都神泉人。生再歲而孤，五歲不能言。一日，見死蛙曰：「此非出字乎！」自是矢口成章。嘗從母隴上，驛使戲之曰：「拾穗許村童」。即應曰：「折梅逢驛使」。其警敏類如是。舉神童。召見稱旨。遣行人林某護送歸，未幾天。年十四耳。臨沒問何年再生？應曰：「五百年後」。其詠月三十首傳誦一時，茲擇錄十餘首如下：

「氣朔盈虛又一初，嫦娥底事半分無。却於無處分明有，渾是先天天極圖。(初一) 三足金烏已斂形，且看兔魄一痕生。嫦娥不是梳粧手，終夜娥眉畫不成。(初二) 日落江城半掩門，城西斜眺已黃昏。何人伸得披雲手，錯把青天捻一痕。(初三) 禁鼓纔聞第一敲，忽看新月掛林梢。誰家寶鏡新藏匣，蓋小參差掩不交。(初四) 浮雲散盡碧天西，何處

佳人露隻肩。正可開樽邀客飲，只愁易落不遲遲。(初五)燭龍西墜飲餘紅，誰把新鐮掛晚空。此際莫嫌光彩少，也堪邀客酒盈鍾(初六)牛女依期渡漢河，廣寒孤枕奈愁何。此時方與人間約，刮破冰盤下碧波。(初七)新月彎弓欲上弦，初昏光彩到中天。與君對影三人酌，酌到中宵分散眠。(初八)堪嘆人生奈若何，良宵遇酒且高歌。不知娥女歸何處，留住中天一隻梭。(初九)上弦初過未團圓，已有清輝耀九天。伴我舉酒相對飲，三更鼓響未成眠。(初十)飲翼陽鳥若木林，半輪新月到天心。人生何間圓兼缺，且向中庭酒滿斟。(十一)晚至天心過半輪，微微清影照黃昏。忘眠任到三更鼓，留住餘光伴酒尊。(十二)半輪未滿缺些兒，後夜陰晴未得知。已有清輝連四境，何妨對此酌金卮。(十三)良夜推移二七當，銀蟾尚減一分光。光輝未必輪三五，任待邀朋酒滿觴。(十五)天上人間月半中，中秋八月半欣逢。四時但願長如此，只恐推移漸不同。」

詩雖不盡佳，但不類童子語。另有秋風辭、紈扇行、送林鼎元歌，豪宕頓挫，亦表才華。檀萃「楚庭稗珠錄」紀之如此。

粵劇名伶宣傳革命

粵劇，在歷史上對政治社會向有貢獻。明末清初，粵伶張五，以崑曲名伶，因從事反清復明運動，為清廷緝捕，逃至廣東，寄寓佛山，創立瓊花會館，成為粵劇伶人之一種組合。影響廣東

戲劇至巨，燼遞而成為其後之八和會館。迨太平天國時期，廣東伶人李雲茂率領瓊花會館子弟，參加洪秀全金田起義，據佔高要等十餘縣，進逼省垣。相傳太平天國朝服即仿自粵伶之戲服。太平天國失敗後，清廷會明令禁止粵劇演出，查封瓊花會館。直至同治年間，始取銷禁令。

辛亥革命時期，粵伶又開始參加政治活動，當時革命黨人，有志士班之組織，名為革新戲劇，實則作革命宣傳。其中黃魯逸、黃世仲、歐博明等之「優先影班」，陳少白、李紀堂之「采南歌」班。陳鐵平之「振天聲」班，均為同盟會革命同志所主持。與中會黃大漢在南洋羣島組織之南洋華僑「真相劇社」，莫不從事革命宣傳工作。

「優先影班」當年演出之劇本，如「夢後鐘」、「火燒大沙頭」、「廣州血」等，其題材悉為宣傳革命。參加該劇社之革命同志，現在台灣碩果僅存者為現任立法委員何蓋民先生。

紅棉省花好勝爭高

梅花為吾國國花。紅棉則為廣東省省花。人稱英雄樹。蓋紅棉樹好勝爭高，其旁若植有他樹，紅棉必高逾之，不甘為下。此革命精神之所使然歟？自來紅棉之詠多矣，陳恭尹「木棉花歌」最為出色。歌曰：「粵江二月三月來。千樹萬樹

朱華開。有如堯時十日出滄海。又似魏宮萬炬環高臺。覆之如鈴仰如爵。赤瓣熊熊星有角。濃鬚大面好英雄。壯氣高冠何落落。後出棠榴枉有名。同時桃李慚輕薄。祝融炎帝司南土。此花毋乃

羣芳主？歲歲年年五月間。北人無路望朱顏。願為飛絮衣天下。不道邊風朔雪寒。」繪形繪色，至為愜貼。

民初大詩人黃晦聞

吾粵詩人黃晦聞先生卓然一家，為清末民初之有數傑出詩才，殆成定論。其兼葭樓集流傳不朽，張昭芹、梁寒操等在台會輯印嶺南四家詩，兼葭樓集列四家之一。惟晦聞先生生平詩作至夥，必有遺佚未收入集內者。民國五十六年八月有旅居紐約之陳鄧綺文女士撰「黃晦聞先生丙午以前遺詩拾零」所錄遺詩約有二十餘首，多為丙午以前所撰。蓋兼葭樓集共輯古今體約三百餘篇。諸家序言均云自乙未（一八九五）至丙午（一九〇六）祇收詩三首，凡隔九年無詩。鄧女士發現丙午以前詩，爰輯錄為文發表，以廣流傳。鄧女士自言其先父為秋枚（實）先叔為秋門（方）與晦聞同肄業於簡竹居先生之門，過從密切，鄧女士方蒐集其先父先叔遺著從詩文集附見晦聞先生詩作多篇，如題名諸將四首，係詠台澎者，其時台澎新割讓於日本，其一云：「極天風鶴到澎湖，漫說炎洲小一隅。嶺海春深邊信急，台城秋老大軍孤。八閩地險今何恃，七道邊防敵不虞。依舊嶼分三十六，義軍猶欲殺××。」

又甲辰（一九〇四）出版之政藝通報亦載有晦聞先生詩四首。按鄧秋枚秋門昆仲與晦聞交深莫逆，在滬創辦國粹學報，組國學保存會。秋枚女公子綺文女士留學美國，亦一敏慧通博之才媛也。

廣東高師校長唐萱

唐萱字春卿號重庭。為民二年廣東師範學校第一任校長。時當鼎革之後，士多因循守舊，先生則銳意改革，不辭勞怨。造就人才甚多，而主持考選學生公費留美，得士尤眾。重庭新會縣人，此為望族。曾祖及祖均舉於鄉。父壯年赴美設館任教，重庭童年即隨父在美就學。後歸國入北洋大學，旋考取公費生留美，肄業耶魯大學獲文學士，又進芝加哥大學習教育，得碩士學位以歸。

民元任廣東教育司署，旋長高等師範，以銳意求新，與當時守舊之士多所齟齬，終至求去，轉而從事鹽政，任職通十七省，以至內外蒙古，所歷幾及全國，凡二十餘年。興利除弊，充裕國稅，利厚民生，卓然有績。年未六十退休。晚年應廣東國民大學聘，講學授業，遂其教育初衷。及穗城陷匪，赴港閉居，成「回憶錄」巨帙，年八十六逝於港。林翼中先生撰墓碑詳述其生平。蓋翼中曾畢業高等師範，為及門弟子也。

屈沱五書三外野人

屈大均翁山之「廣東新語」流傳甚廣，人多知之。顧屈著尚有易外、詩外、文外及皇明四朝成仁錄，合稱屈沱五書。大均所著各書，悉遭毀禁。其先本關中世族，南宋時自秦遷粵籍番禺縣，父諱宜遇，幼遭家難，寄養於南海邵家，遂姓邵。故名邵龍，又名紹隆，字介子。晚以易外詩外文外三書，自號三外野人。大均年十七，督學

副使林鼎佳錄充邑諸生，至此始復屈姓。明年，廣州陷，父以不仕異族之義戒之。陳邦彥、陳子壯、張家玉起兵謀攻廣州，兵敗皆死節，大均實預其事。大均嘗從邦彥學，師仇國恨，積憤益深。乃棄諸生輩而隱焉。迨李成棟反正，明勢復張，赴肇慶行在上中興策。大學士王化澄疏薦之，將官以中祕職。以父疾過歸。父歿後，清兵大起，桂粵相繼陷沒，大均以事無可為，削髮為僧，事函呈於雷峯，時大均年僅二十四。然大均忠愛根於天性，其為浮屠也，本有託而逃，終有故國舊君之感。順治戊戌，北行，求明思宗死社稷之所，於萬壽山壽皇亭海棠樹下，拜哭失聲。東出嶺關，周覽遼東西名勝，弔袁督師崇煥故壘，所詠激昂慷慨，有復仇之志。既歸吳，三謁孝陵，目觀陵園荒廢，與二三宮監相向而哭，是時大均年已三十。其棄釋歸儒之念，益與時俱增。於是吳中名流，皆樂與相交，因流連吳越間，盡交其俊彥。尤與慈谿魏明白衣善，魏曾為鄒成功畫策，幾下金陵，後事發魏被磔死，大均亦名在刑章，乃避地桐廬。拜殿子陵祠堂於富春山麓，復拜皇朝之墓，為書墓表。文辭仇烈，中有「天能亡宋之天下，不能亡宋之人心，宋之人心不可見，見於先生

輩之慟哭。」有為而發，借古方今，至康熙年，遂復冠巾，歷遊皖豫以至於秦，過太原，與顧炎武、繆天自、朱彝尊等敘晤。又訪傳青主於霜紅窟中。遊五台，出雁門，返京復歷齊魯宋之墟。及吳三桂起兵於滇，一時湖廣數省皆為所據，大均以為光復舊物，機不可失，乃從軍於楚，上書三桂言兵事。三桂為署官，因建議旗始安，監督漢

士官兵，以謀進取，而事卒無所成。五書以「廣東新語」康熙間木天閣刊本為最早，是書以奉令禁毀，故清代藏書家罕有記載，至民國始有入目者，大均生前，此書即已刻就，亦頗自矜，曾與汪栗亭書曰：「若廣東新語，亦一奇書也。道遠不能盡寄，須足下來惠顧三闖書院，一一觀之。」所記雖廣東一省，而自天文、地理、人物、風俗乃至虫魚草木，無所不包。誠如潘來序言所云：「其察物精以核，其讀義博而辯，其陳辭婉而多風，思古傷今，維風正俗之意，見於言表。」

國父讓位天下為公

辛亥革命成功，民國肇建，而國父功成身退，民元讓位於袁世凱，四月一日在臨時參議院行解職禮，國父致詞有云：「今日解職，實欲以國民之地位與四萬萬人協力造中華民國之鞏固基礎，以奠世界之和平。」其時海外僑胞，頗多以讓位袁氏為非者，國父又書告旅居五洲同志華僑，曰：「因推舉袁君為第二臨時大總統，紛接來書相爭，其詞頗多誤會，恕不能一一縷復，謹括舉其要以告諸君：諸君盡其心力與內地同志左右掇提，仆滿清而建民國，今日之已達，以此完全民國歸諸全體四百兆之手，我輩之義務告盡，而權利則享自由人權而已，其他非所問也。若總統類者，皆我自由國民所舉用之公僕，當其才者則選焉。今日袁君為國民一份子，量才而選，彼獨賢勞，正我國民所當勉勵道歡，責之以盡瘁，愛之以熱誠者也。總統既非庸庸之具，袁君亦為

任勞之人，宜敬觀其從容敷施，以行國民之意：「今日讀之，猶覺當年國父功成不居，昭然天下為公之胸懷，為非常人所能及！」

民元 國父辭臨時總統職，讓位袁世凱，三月同盟會全體會員餞別國父第一任臨時總統解職於南京三牌樓第一舞台。國父即席講「民生主義與社會革命」。至民國廿二年六月，有石森同志藏有當時攝影之照片，複印致贈孫科先生。孫先生即在上題律詩一首曰：「復成橋邊金線柳，惜別曾拂玻璃杯。神龍知幾妙進退，黃鶴高舉何徘徊。南京修踐定都約，羣輔齊宏經世才。風雲磅礴廿二載，舊圖重撫心顏開。」照片中孫科先生固曾留影，孫先生向不事辭章，此詩為僅有之作，現存黨史會，因錄誌之。

鄭炳舜父子粵僑人傑

旅美華僑台山籍鄭炳舜在三十年代美國僑社為一著名人物，他曾任舊金山中華商總會總幹事與會長。常為各種苛例，奔走於舊金山與美京之間，努力交涉，為僑社福利竭智殫力。抗戰期間，主持華僑救國運動，策動捐獻，卓著勞績。以是膺聘為國民參政會參政員，來往於美洲與重慶陪都，溝通海內外，建樹良多。抗戰勝利前夕，以勞瘁致心臟病逝世於舊金山，年未古稀，中外人士同聲悼惜。炳舜先德，即在清末民初，在美創辦差拿輪船公司，致力太平洋航運之竹敬先生。其時太平洋航線，先後有大東總統輪及加拿大易興公司皇后輪日本郵船株式會社九字號輪，華人向未插手航運事業，鄭竹敬先生以中國方面之

貨運與客運利權外溢，為挽回權利，堵塞漏卮，乃於光緒末年（一九〇八）倡議集股開辦差拿輪船公司，努力號召，卒獲集足資本，購買輪船兩艘，一名差拿，一名南京，航行於香港上海檀香山舊金山舍路溫哥華港口之間，爭取客運與貨運，業務蒸蒸日上，直至第一次世界大戰後經濟不景氣，商業蕭條，貨運減少，而竹敬先生又突為人誤殺逝世，始告結束業務。鄭氏父子事功輝煌，至今尚口碑載道，亦粵僑人傑也。

外交長才李錦綸

在民國早年外交界人才中，無不知有李其人，即廣東台山籍李錦綸也。錦綸之父希齡翁於清末隻身赴美，初開設洗衣館於紐約，繼而從事商業，積有多金。與德裔某女士結婚。生三子，錦綸其最幼子也。幼就讀紐約公立學校，及長升入紐約大學，復轉赴芝加哥大學進修，研究國際公法，獲博士學位。民初，以心儀祖國文化，返國回鄉，任鄉中主日學教員，在禮拜堂設英文班教授英語，旋赴廣州受培正學校聘，任小學英文教員。辛亥革命成功，廣東軍政府成立。時第一任大都督胡漢民以革命政府新立，對外交涉事務繁要，特設交涉司於都督府，徵聘李錦綸為司長。週旋於各國領事之間，取得承認，減少衝突，避免外力干預，此在革命軍政初定之時，關係至為重大，李氏之功殊不可沒。

迨民二年，袁世凱反動勢張，黨人星散海外，李氏始退出政壇，轉而擔任培正學校監督。由其悉心策劃，培正以小學擴展為一完備中學。民

六年，海軍護法南下，孫中山先生在粵組府，又挽李氏任外交部廣東交涉員。其時，沙面與東山道上，常觀李氏衣燕尾禮服往來，蓋仍兼培正監督，政教粟六，不稍暇也。

一九二二年，李氏轉受上海滬江大學之聘，任國際條約及外交史講席，其時中山先生亦在滬從事著述，過從甚密，多所參商，以此與國民黨人聯絡，後來國民革命軍將抵上海時，軍閥孫傳芳擬加以逮捕殺害。幸李先得密報，及時逃走，始免於難。

國民政府定都南京後，以其對外宣傳卓著勞績，奉派出使墨西哥，隨又調回外交部任次長之職。一九三一年駐美公使伍朝樞辭職，駐美使節虛懸多月，李氏又以特使名義赴美承乏，主持駐美外交事務。

厥後李氏出任駐葡萄牙、波蘭及捷克等國公使。直至二次世界大戰爆發後，始返紐約寄居。至一九五六年以病逝世。綜其一生，大半獻身於我國外交服務，且常於環境困難中，衝破難關，為國致力貢獻良多。

湯覺頓海珠殉難

民國五年以袁世凱叛國稱帝，護國軍蔡鍔起義聲討，桂省陸榮廷獨立響應滇軍，時龍濟光據粵，受僞命為親王，粵局如不變，則倒袁難成。有湯覺頓者早參與梁啟超蔡鍔等討袁計，因隻身入粵，陳以利害說龍獨立。惟龍部將顏啓漢不懼於湯，已蓄陰謀，欲加殺害，四月十二日粵中軍政人員在海珠舉行善後會議，龍氏以其眾衷甲示

威，覺頓無所畏葸，力排紛難，議未及半，顏啓漢伏兵發彈掃射，覺頓首先中彈而歿。同時遇害者有王廣齡、譚學夔等。覺頓死時年僅三十九，梁啓超曾有「祭海珠三烈士」文以悼之。

，精研經濟理財之學。庚子秋，唐才常起義漢口，覺頓常往來港滬間，策應一切。事敗仍返日，繼續所學，著述論列十數萬言。民元回國，任政府財政顧問。旋任中國銀行總裁，草創經營，規模大具。民國三、四年間，袁世凱叛國之際日露，覺頓毅然辭職，奉母隱居津門，鬻文供菽水，及帝制議興，遂與梁啓超、蔡鏗共謀討袁，蔡以

護國軍起滇南，轉戰巴蜀，覺頓隨梁氏入桂，說陸榮廷獨立響應。終以與龍部將顏啓漢不睦，被擊斃於海珠善後會議，亦護國之役殉難志士之中最先罹難者，民十一年各粵人始以禮葬之於廣州郊外，梁啓超為作「番禺湯公墓誌銘」。其哲嗣衍端，現在台灣，供職交通部祕書，來函述其先德生平，爰摘記之如上。

郵局的集郵服務

郵局提供集郵服務，目的在便利公眾購集各種集郵票品，如新發行的郵票、明信片、印有郵票花紋的信封、郵筒，以及蓋有發行首日郵戳、紀念郵戳之信封或明信片等。

郵局對國內的集郵服務：

(1)門市：各地郵局均普遍供售成套或單枚發行票品。

(2)函售：如遇某種票品，當地郵局經已售缺，可向附近較大郵局函購。各大郵局均立有劃撥儲蓄金專戶，以便利顧客撥款。同時存款單背面

通信欄，可用以填寫所需票品之名稱、數量及其他指定事項，以代函洽，既省事又便利。台北郵局二〇一 板橋郵局二二七五

宜蘭郵局三七〇〇 新竹郵局三六〇〇 豐原郵局二九〇〇 嘉義郵局三四八八八 新營郵局三五〇〇〇 鳳山郵局四四九四四

台東郵局四四九九九 木柵郵局五〇〇〇 新店郵局二九八〇 桃園郵局二三一〇 苗栗郵局二八三六〇 彰化郵局二六四八〇

斗六郵局二六六四〇 高雄郵局四〇四〇四 澎湖郵局四四九三七 花蓮郵局四八〇〇〇 基隆郵局五〇五〇五 新莊郵局四〇〇

中壢郵局四二五〇 台中郵局二〇二六〇 員林郵局二六六一〇 台南郵局三〇六〇〇 岡山郵局四四九三九 屏東郵局四四八

二九

郵購之票品，須繳手續費六元。

(3)存款預約：凡路途不便或事務繁忙，不能隨時前往郵局購買新發行票品者，可向上開廿六個郵局集郵部門預存每套新台幣一百元（如

需要票品份數較多時，請比例遞增），聲明所需票品種類、數量等，到時該組即自動寄奉，無需逐次函洽。倘未照規定存

足金額者按函售辦理，每次收手續費六元。

免費供應集郵資料：

國內集郵公眾如需集郵報導（分中、英文二種），請函新店青潭台灣郵政管理局集郵票品組洽取，不收任何費用。